



Inatsisartunut ilaasortaq Emanuel Nûko, Naleraq
Inatsisartut Allattoqarfiat
/Maani

**§ 37 naapertorlugu apeqqummut nr. 2022/039-mut, KNI A/S-imit
pilersuinermillu suleqataanut tunngasumut akissut.**

15-03-2022

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Asasara Emanuel Nûko,

Ingerlatseqatigiiffinnut Namminersorlutik Oqartussanit pigineqartut ilaannut ataatsimut ingerlatsinermut suliassaqarfik pillugu Inatsisartut suleriaasianni § 37 naapertorlugu Naalakkersuisunut apeqquteqarputit. Apeqqutigisatit uannit akisassanngortinneqarsimapput.

Apeqqutigineqartut ingerlatseqatigiiffiup ingerlatsineranut tunngammata, taakkulu KNI-p akisussaaffeqarfigalugillu aalajangiisinnaatitaaffigimmagit ingerlatseqatigiiffiup aqutsisuiunut akissutinik pissarsiniartoqarsimavoq.

Apeqqutigineqartut ima oqaasertaqarput:

**1. KNI-p Slagter Theilgaard ukiuni tulliuuttuni
suleqatigeqqiinnassavaa?**

Matumani § 37 naapertorlugu apeqqutigineqartut akinissaannut atugassanik KNI A/S-imit akissutissanik pissarsiniartoqarsimavoq, imatullu akissuteqarpoq:

"KNI Slagter Theilgaardimut allakkatigut isumaqatigiissuteqarpoq 31/3 2023-p tungaanut ingerlasumik. Pilersuisoq KNI-p pitsaassutsimut piumasaqaataanut siunissami eqquutsitsinngippat ingerlatseqatigiiffik suleqatigiinneq pillugu nutaamik nalilersuissaaq."

2. Qerisunik ajutoorneq Slagter Theilgaard-imit qanoq KNI-mut naleqarpa?

Matumani § 37 naapertorlugu apeqqutigineqartut akinissaannut atugassanik KNI A/S-imit akissutissanik pissarsiniartoqarsimavoq, imatullu akissuteqarpoq:

"KNI suliaq pissutigalugu aningaasatigut annaasaqarsimangilaq."

3. Isorliunerusuni igaassat piiarneqartut piffissaq qaninneq eqqarsaatigalugu Slagter Theilgaard-imiit nutaanik taarsersorneqassappat?

Matumani § 37 naapertorlugu apeqqutigineqartut akinissaannut atugassanik KNI A/S-imit akissutissanik pissarsiniartoqarsimavoq, imatullu akissuteqarpoq:

"Theilgaard decemberimi nioqqutissanik nutaanik piaartumik tunisassiorluni aallartippoq, taakkualu pisiniarfinnut tamanut sapinngisamik piaartumik nassiussuunneqassapput"

4. Maanna Slagter Theilgaardimeersut nioqqutissat ajortissimasut isorliunerusunilu sikusartuni amigaatigineqalersut atuisartut aningaasatigut artukkernagit taarserneqarsinnaappat?

Matumani § 37 naapertorlugu apeqqutigineqartut akinissaannut atugassanik KNI A/S-imit akissutissanik pissarsiniartoqarsimavoq, imatullu akissuteqarpoq:

"Pisiassat tamarmik taarserneqarput, nioqqutissanillu pilersuisup assartuinnermut aningaasartuutit tamaasa nammineq akilertussangortippai. Taamaalilluni atuisunut tamanna sunniuteqarnaviangilaq."

5. Pilersuisoqarfiusuni ukiukkullu umiarsuaqarfiunngitsuni neqit amigaatigineqartut pisisartunut aningaasatigut kinguneqanngikkaluamik nassiussuunneqarsinnaanerpat, soorlu silaannakkut angallannikkut?

Matumani § 37 naapertorlugu apeqqutigineqartut akinissaannut atugassanik KNI A/S-imit akissutissanik pissarsiniartoqarsimavoq, imatullu akissuteqarpoq:

"Pisiassat taartissat pisiniarfinnut timmisartumik qulimiguulimmillu ingerlanneqarput aningaasartuutillu tassunga atassuteqartut tamarmik nioqqutissanik pilersuisumit akilerneqassapput."

6. Slagter Theilgaard suleqatigiunnaarneqassagaluarpat Danish Crown imaluunniit allat assinganik sullissisut saaffigineqassapat?

Matumani § 37 naapertorlugu apequtigineqartut akinissaannut atugassanik KNI A/S-imit akissutissanik pissarsiniartoqarsimavoq, imatullu akissuteqarpoq:

"Slagter Theilgaardimik suleqateqarneq unitsinneqartariaqalerpat KNI nutaamik neqeroortitsissaaq, tassanilu pilersuisinnaasut tamarmik suliamik naammassinnissinnaasut neqeroorsinnaassapput."

Apeqqummut saqqummiunneqartumut allanik ilassutissaqanngilanga.

Inussiuarnersumik inuulluaqqusillunga.


Múte Bourup Egede